

Вход 18.08.2024

Тропарь глас 7:

Разрушил еси Крестом Твоим смерть, / отверзл еси разбойнику рай, /
мироносицам плач преложил еси, / и апостолом проповедати повелел еси, /
яко воскресл еси, Христе Боже, / даруй миру // велию милость.

Тропарь глас 4:

Христово преображение предусрящем, / светло торжествующе
предпразднственная, вернии, и возопийм: / приспе день Божественного
веселия: / восходит на гору Фаворскую Владыка, // Божества Своего
облистати красоту.

Тропарь глас 4:

Правило веры и образ кротости, / воздержания учителя / яви ты стаду
твоему / Яже вещей Истина. / Сего ради стяжал еси смирением высокая, /
нищетою богатая, / отче священноначальниче Николае, / моли Христа
Бога, // спастися душам нашим.

Кондак, глас 7:

Не ктому держава смертная / возможет держати человеки: / Христос бо
сниде, сокрушая и разоряя силы ея; / связуемь бываает ад, / пророцы
согласно радуются, / предста, глаголюще, Спас сущим в вере: // изыдите,
вернии, в воскресение.

Слава

Кондак, глас 3:

В Мирех, святе, священнодействитель показался еси, / Христово бо,
преподобне, Евангелие исполнив, / положил еси душу твою о людех твоих /
и спасл еси неповинныя от смерти. / Сего ради освятился еси, // яко великий
таинник Божия благодати.

и ныне

Кондак, глас 4:

Божественным днесь преображением / человеческого все естество
просиявает божественно, в веселии зовущее: // преобразуется Христос,
спасаяй вся.

Прокимен, глас 7: Господь крепость людем Своим даст, / Господь
благословит люди Своя миром.

Причастен: Хвалите Господа с небес, хвалите Его в вышних. Аллилуиа,
аллилуиа, аллилуиа.